

ՀԱՍՏԱՏՎԱԾ Է
ՌՈՒՄ-ՀԱՅԿԱԿԱՆ ՀԱՄԱԼՍԱՐԱՆԻ
ԳԻՏԱԿԱՆ ԽՈՐՀՐԴԻ

2025 թ. հունվարի 20-ի թիվ 370 որոշմամբ
(ընդունվելով առ 07.02.2025թ.)



Ռ.Ն. ՌԵԿՏՈՐ

Է.Ս. ՍԱՆԴՈՅԱՆ

**Ռուս-Հայկական (Սլավոնական) համալսարանի
մագիստրոսի կրթական ծրագրերով հայալեզու կրթությամբ
2025-2026 ուսումնական տարվա
ընդունելության կանոնակարգ**

1. Սույն կանոնակարգը սահմանում է Ռուս-Հայկական (Սլավոնական) համալսարանի (այսուհետ՝ ՌՀՀ) մագիստրոսի կրթական ծրագրերով հայալեզու կրթությամբ 2025-2026 ուսումնական տարվա անվճար (պետության կողմից ուսանողական նպաստների ձևով ուսման վարձի լրիվ փոխհատուցմամբ) և վճարովի (ուսման վարձի մասնակի զեղչի կիրառման իրավունքով) առկա և հեռակա ուսուցման ընդունելության կարգը:
2. ՌՀՀ մագիստրատուրայում ուսամնառությունն իրականացվում է գրական հայերենով (համաձայն ՀՀ պետական կրթական և ՌՀՀ կրթական չափորոշիչների): Առկա ուսուցման տևողությունը սահմանվում է 1-2 տարի, հեռակայինը՝ 2 տարի 6 ամիս:
3. ՌՀՀ մագիստրատուրայի շրջանավարտներին հանձնվում է ՀՀ պետական նմուշի դիպլոմ:
4. ՌՀՀ մագիստրատուրայի առկա ուսուցման ընդունելությունը կատարվում է հետևյալ մասնագիտությունների մագիստրոսական ծրագրերով՝

061101.00.7 Ինֆորմատիկա (համակարգչային գիտություն)

- 061101.05.7 Թվային անալիզ և մաթեմատիկական մոդելավորում

071301.00.7 Էներգետիկա

- 071301.05.7 Այլընտրանքային էներգետիկա (մեկամյա ծրագիր)

051101.00.7 Կենսաբանություն

- 051101.14.7 Գենային ճարտարագիտություն

041201.00.7 Ֆինանսներ

- 041201.01.7 Ֆինանսներ, դրամաշրջանառություն և վարկ

041301.00.7 Կառավարում

- 041301.01.7 Կառավարում
- 041301.27.7 Մարդկային ռեսուրսների կառավարում

041401.00.7 Շուկայագիտություն (մարքեթինգ)

- 041401.01.7 Շուկայագիտություն (մարքեթինգ)

042101.00.7 Իրավագիտություն

- 042101.04.7 Քրեական իրավունք և դատավարություն
- 042101.05.7 Գործարարական իրավունք
- 042101.02.7 Սահմանադրական իրավունք, պետության և իրավունքի տեսություն
- 042101.07.7 Միջազգային և եվրոպական իրավունք
- 042101.10.7 Առողջապահական իրավունք

042802.00.7 Իրավական ուսումնասիրություններ

- 042802.03.7 Կրիմինալիստիկա (մեկամյա ծրագիր)

031201.00.7 Քաղաքագիտություն

- 031201.06.7 Ազգային անվտանգություն
- 031201.09.7 Կիրառական քաղաքագիտություն

022801.00.7 Արևելագիտություն

- 022801.01.7 Արաբագիտություն
- 022801.03.7 Իրանագիտություն

091801.00.7 Հանրային առողջություն և առողջապահություն

- 091801.05.7 Թվային առողջապահություն

011401.00.7 Մասնագիտական մանկավարժություն

- 011401.09.7 Ֆիզիկական դաստիարակություն և սպորտային մարզումներ (մեկամյա ծրագիր)

101401.00.7 Սպորտ

- 101401.02.7 Առողջարարական ֆիզիկական կուլտուրա (կինեզիոլոգիա) (մեկամյա ծրագիր)

- 4.1. Առկա ուսուցման ձևով ՌՀՀ մագիստրատուրայի անվճար տեղերին մրցութային կարգով կարող են հավակնել Հայաստանի Հանրապետության պետական և ըստ մասնագիտությունների հավատարմագրված (ինստիտուցիոնալ հավատարմագրում անցած) ոչ պետական բարձրագույն ուսումնական հաստատությունների բակալավրի կամ դիպլոմավորված մասնագետի որակավորում ունեցող շրջանավարտները:
- 4.1.1. Առկա ուսուցման ձևով ՌՀՀ մագիստրատուրայի անվճար տեղերին մրցութային կարգով կարող են հավակնել ՌՀՀ և այլ բուհերի առկա և հեռակա ուսուցման ձևերի շրջանավարտները, որոնց դիպլոմի հավելվածում գրանցված առարկաների միջին որակական գնահատականը (ՄՈԳ-ը (GPA)) կազմում է առնվազն 70 (2.8):
- 4.1.2. ՌՀՀ տվյալ մասնագիտության շրջանավարտներն ընդունվում են մրցութային կարգով՝ առանց ընդունելության քննությունների: Հիմք է ընդունվում դիպլոմի հավելվածում գրանցված առարկաների ՄՈԳ-ը:
- 4.1.3. ՌՀՀ այն շրջանավարտները, ովքեր փոխում են մասնագիտությունը, ընդունվում են մրցութային կարգով: Հիմք է ընդունվում դիպլոմի հավելվածում գրանցված առարկաների ՄՈԳ-ը: Շրջանավարտները տվյալ մասնագիտությունից հանձնում են քննություն/հարցազրույց, որը գնահատվում է 20 բալանոց համակարգով:

- 4.1.4. Այլ բուհերի շրջանավարտներն ընդունվում են մրցութային կարգով: Հիմք է ընդունվում դիպլոմի հավելվածում գրանցված առարկաների ՄՈԳ-ը: Շրջանավարտները տվյալ մասնագիտությունից հանձնում են քննություն/հարցազրույց, որը գնահատվում է 20 բալանոց համակարգով:
- 4.2. **Առկա ուսուցման ձևով** ՌՀՀ մագիստրատուրայի **վճարովի տեղերին** մրցութային կարգով կարող են հավակնել ՌՀՀ և այլ բուհերի առկա և հեռակա ուսուցման ձևերի շրջանավարտները:
- 4.2.1. ՌՀՀ շրջանավարտների ընդունելությունը տվյալ մասնագիտության վճարովի ուսուցման համակարգում կատարվում է առանց ընդունելության քննությունների:
- 4.2.2. Այլ բուհերի շրջանավարտները և ՌՀՀ այն շրջանավարտները, ովքեր փոխում են մասնագիտությունը, անցնում են հարցազրույց մասնագիտությունից:
- 4.3. Երկրորդ բարձրագույն մասնագիտական կրթությունն իրականացվում է միայն վճարովի սկզբունքով:
- 4.4. Մագիստրատուրայի վճարովի համակարգ ընդունված դիմորդները պարտավոր են սահմանված կարգով և ժամկետում վճարել ուսման վարձավճարը, կնքել պայմանագիր, որից հետո կատարվում է նրանց հրամանագրումը:
5. Առկա ուսուցման ընդունելության մրցույթին մասնակցելու համար փաստաթղթերն ընդունվում են **ս.թ. հունիսի 2-ից մինչև հունիսի 20-ը ներառյալ**:
- 5.1. Վճարովի տեղերի հավակնորդ այն դիմորդների համար, ովքեր հարգելի պատճառով չեն կարողացել մասնակցել առկա ուսուցման ընդունելության մրցույթին, փաստաթղթերը կընդունվեն **ս.թ. օգոստոսի 22-ից-26-ը ներառյալ**:
6. ՌՀՀ մագիստրատուրայի **հեռակա** ուսուցման ընդունելությունը կատարվում է հետևյալ մասնագիտությունների մագիստրոսական ծրագրերով՝

041201.00.7 Ֆինանսներ

- 041201.01.7 Ֆինանսներ, դրամաշրջանառություն և վարկ

041301.00.7 Կառավարում

- 041301.01.7 Կառավարում
- 041301.27.7 Մարդկային ռեսուրսների կառավարում

041401.00.7 Շուկայագիտություն (մարքեթինգ)

- 041401.01.7 Շուկայագիտություն (մարքեթինգ)

042101.00.7 Իրավագիտություն

- 042101.04.7 Քրեական իրավունք և դատավարություն
- 042101.05.7 Գործարարական իրավունք
- 042101.07.7 Միջազգային և եվրոպական իրավունք

- 6.1. ՌՀՀ մագիստրատուրայի **հեռակա** ուսուցման ընդունելությունը ՌՀՀ և այլ բուհերի շրջանավարտների համար իրականացվում է առանց ընդունելության քննությունների՝ համապատասխան Ինստիտուտի որոշմամբ:
- 6.2. Հեռակա ուսուցման ընդունելության մրցույթին մասնակցելու համար փաստաթղթերն ընդունվում են **ս.թ. սեպտեմբերի 8-ից 19-ը ներառյալ**:
7. Յուրաքանչյուր կրթական ծրագրով սովորողների նվազագույն թիվը 5-ն է: Համապատասխան կրթական ծրագրով սովորողների նվազագույն թիվը չապահովելու դեպքում, դիմորդի նախաձեռնությամբ, ընդունող հանձնաժողովը քննարկում է դիմորդի մեկ այլ կրթական ծրագրով ուսումնառության հնարավորությունը:
- 7.1. Սույն կետով սահմանված թիվը կարող է փոփոխվել նոր կրթական ծրագրի ներդրման դեպքում: Այս դեպքում սովորողների նվազագույն թիվը սահմանում է ընդունող հանձնաժողովը:
8. Մագիստրատուրայի կրթական ծրագրերով ընդունելության մրցույթին մասնակցելու համար դիմողները ներկայացնում են հետևյալ փաստաթղթերը՝
- անձը հաստատող փաստաթուղթ՝ անձնագիր կամ նույնականացման քարտ (պատճենը),
 - բարձրագույն մասնագիտական կրթության դիպլոմ և հավելված (բակալավրի, դիպլոմավորված մասնագետի, մագիստրոսի, պատճենը),
 - փաստաթուղթ զինվորական ծառայության վերաբերյալ (զինհաշվառման փաստաթուղթ կամ զինվորական գրքույկ, պատճենը): Այն անձանցից, ովքեր գտնվում են զինակոչային տարիքում, փաստաթղթերն ընդունվում են այն դեպքում, եթե համապատասխան զինվորական փաստաթղթերում առկա են տարկետման իրավունքի մասին նշումներ,
 - 4 գունավոր, նույնատիպ լուսանկար (3×4 չափսի):
- 8.1. Փաստաթղթերն ընդունվում են անձամբ դիմորդի կողմից:
9. Դիմորդի կողմից ներկայացված դիպլոմի իսկությունը պարզելու նպատակով ընդունող հանձնաժողովն իրավասու է ըստ անհրաժեշտության դիմորդից պահանջել «Ակադեմիական փոխձանաչման և շարժունության ազգային տեղեկատվական կենտրոնից» ներկայացնել տեղեկանք դիպլոմի իսկության վերաբերյալ:
10. Մագիստրատուրա դիմողները փաստաթղթերի ընդունման և ձևակերպման համար վճարում են 3000 դրամ, ինչպես նաև ընդունելության քննություններին մասնակցելու համար՝ 2000-ական դրամ յուրաքանչյուր (քննության/ հարցազրույցի) համար, որոնք նշված են դիմումներում: Անկախ ընդունելության քննություններին մասնակցությունից և արդյունքներից՝ գանձված գումարը հետ չի վերադարձվում: